

Schnitzelbänk 2010 Tschädrios (Melodie: Skandal um Rosi)

Z Züri häts ä Discothek
Vo dä Priisä bechunsch da gad än Schreck
Drum muesch einä ha wos Züg spendiert
Damit dä Abig glich rendiert
Dänn ischs dänn no än hübschä Maa
Wo seit du chängisch alles ha
Und du erfahrsch, dass du hüt d Königin bisch
Will er dä Chef vom Ladä isch
Aber nacher im Platinumroom
Seit dä Carl zu dir: „mach uf dis Muul!“

Am 1. Augschtä z Schänis
Det lauft wiä immer nämis
Am Gassächlapf gahts zue und her
Det fällt eim z fiirä gar nöd schwer
Musig, Party, Alkohol
Z Fäschtzält das isch graglet voll
Keinä störts dases windät duss
Doch plötzli isch mit allem Schluss
Stilli Nacht, än andri Wält
Än Windststoss und s'isch furt das Zält

Im Unterdorf z Schänis
Det lüchtät ständig nämis
Orange, grünen und rot dezue
Diä Liechter lönd eim gar kei Ruäh
Und wänn nöd guet informiert bisch
Meinsch dass z Schwert neu ä Disco isch
Und d'Autos diä stönd überall
Das isch alles wäg dem Liechtsignal
Und für was isch au dä ganzi Misch?
Nur damit z Trottoir chli breiter isch

Zum go flügä go
Wett mer ja niä z spat cho
Am 6i am Morgä am Flughafä zsii
Schafft drum au dä Schochä Simi
Aber det isch vo sim Flug nüt zgseh
Isch er doch z spat? Oh je minee!
Nei! So wiäs uf äm Billet staht
Am 6i pünktli isch er parat
Aber 6i pm – was heisst jetzt da?
Dass er no 12 Stund wartä cha

D'Mara Steiner a dä Tankstell
Bitz nervös will sie zerscht mal tankä söll
Sie will uf kä Fall än Fehler machä
Drum tuet d'Eliane Jud sie überwächä
Ez häts zwei wo lueget dases passt
Und zwei wo sHerz chli schnäller rast
Ja tankä isch gar kompliziert
Da isch no schnäll was schlimms passiert
Bim Schluch usäneh, das isch ja toll
Sprützt d'Mara d'Eliane komplett voll

Letschti uf dä Hauptstrass
Isch einä am chrampfä ohni Spass
Er hät ä orangi Westä aa
Judä Beat heisst dä luschtig Maa
Me gseht daser öpis am zämeläse isch
Sis Heu überall verteilt dä huerä Misch
Uf äm ganzä Wäg vo Rufi nach Indiania
Hät er das Züg verlorä gha
Zum das verhindrä hetter sellä
Dä Chratzbodä halt abstellä

Z Schochä Idi seit vo sich
Sie sig gar nöd ängstlich
Doch wo's i ihrem Gartä ä Schlangä hät
Rännt au z Idi ganz schnäll wäg
Voller Angscht lütät sie am Hobby aa
Und dä Heinz chunt sofort dä tapfri Maa
Er packt das Viech hindä am Grind
Und packts i sin Sack i ganz gschwind
Er spilt än super guet sin Streich
Sonä Plastikschlangä isch kä Seich

Dä Frohsinnä Paul dä transportiert
Ä 16m langä Baum ganz ungeniert
Ohni Polziheilhilf – für was brucht er da?
Will er ja so guet fahrä cha
Und jedä Zuschauer luegt erstunt
Wiä er um d' Frohsinnä Kurvä chunnt
Abzbügä hät er drümal versuecht
Diä huerä Kurvä isch verfluecht
Trotz drü Aläuf laufds ganz dumm
Diä Strassätaflä isch jetz chrumm

Im Spital in Walästadt
Häts zwei Schänner Chöch – diä händs no glatt
Wänns am Morgä zäme zur Arbet gönd
Und mit äm Auto chli Sachä probierä tönd
Schnee uf dä Strass da seit dä Wisi:
„mit dä Handbräms cherä das isch ganz easy“
Blöd nur dases nöd funktioniert
Und sis Auto än Strassäpfahl touchiert
Blöder no, dass dä Res z glich macht
und sis Auto än Tag spöter is glich Ort kracht

Z Schänis am Schmudo
Det chas mängmal chli länger go
Blöd nur das am nöchschtä Tag
D' Fasnacht eifach witer gaht
Am 10ni am Abig ufzstoh
Hät sich Petra Schwitter vorgnoh
Ja verpassä will au sie doch nüt
Wills am Fritig ganz vill z fiirä git
Blöd nur, dass sie dä Wecker falsch stellt
Und bis am 10ni am Morgä pennt

Dä Stefi Zahner än wildä Maa
S'git Sachä diä chan er nöd laa
Und wills nöd immer guet chunt
Isch er bi dä Suva Stammchund
Aber s'isch au schwierig Vorwürf zmachä
Will mängmal gahts dumm bi gwüssä Sachä
Bim Schaffä as Werk ganz engagiert
Da isch halt schnäll mal was passiert
Mit dä Rohrjangä abgrutscht vom Abfluss
Und so sind d Vorderzäh halt duss

Schnitzelbänk 2010 Tschädrios (Melodie: s'Zündhölzli)

Dä Steiner Fred Senior hät a grossi alti Tannä
Zum dä alt Baum umtuä bstellt er dä Giger Mäxli anä
Und dä macht das gern willer z Holz bhaltä cha
Und willer di vörigä Äscht no chli cha facklä laa

Mit Äscht abbrännä schafters daser sonä riesä Rauch erzügt
Dass au jedä Vogel i dä Nöchi sofort dövoflügt
Und wo dä Steiner Fred Senior das go aluegä chunt
Wird's ihm vor luter Polizei und Fүүrwehr gad chli z'bunt

Mir händ no meh Gschichtä z verzellä vo Fүrlibuebä z Schänis
Ja wiä mer d'Schänner kännt bütät diä halt au immer nämis
So chunts dass Schänner Fүүrwehr au öpä usruckä muess
Bim ä Fehlalarm wäg ganz ä huufä Rauch und Ruess

I dä Bico ussä häts ä huufä tüürs Hab und Guet
Drum ischs au sinnvoll dass det d'Alarmalag zueverlässig tuet
Und üsi Fүүrwehr au zur Stell isch gar möglichscht gschwind
Wänn z'Abwartä Abrahams ihräs Poulet z fescht am brötlä sind

Usä Herbert Kүng das isch än mega engagiertä Maa
Im Gmeindrat und bim Schaffä packt er immer tüchtig aa
Und au dihei macht er ständig ä ganz än huufä Sachä
Wiä bim Fondueässe a dä Wiähnacht z Fүүr z'entfachä

Das Fondue Chinoise azheizä klappet leider nöd wiäs sött
Will dä Fүrazünder ohni Gas eifach nöd zündä wött
Drum häter Gas nachägfüllt und nacher usprobiert
Öb dä cheibä Fүүrazünder jetzt au funktioniert

S'hät ä Stichflämmä geh ja eigentli än riesä Flack
Will bim Gasabfüllä isch ä grossi Mängi Gas au ab
So chunnts das nacher am Tisch bim umäsösälä
Sini Augäbraue id Sauce tüend brösmälä

